

傷寒真方歌括



傷寒歌

括寒

真

方



南京中医药大学图书馆版权所有

光緒三十四年春月
寶慶經元書局校刊



南京中醫藥大學圖書館版權所有
1961

傷寒真方歌括目錄

聞長樂陳念祖修園著

東治林壽萱校

卷一

太陽上篇方法

太陽中篇方法

計歌括拾壹條

計歌括玖條

太陽下篇方法

太陽救誤變症方法

計歌括叁條

計歌括拾捌條

卷二

陽明上篇方法

陽明中篇方法

計歌括拾條

計歌括肆條



南京中醫藥大學圖書館版權所

陽明下篇方法

計歌括叁條

卷三

少陽上篇方法

少陽中篇方法

計歌括陸條

計歌括叁條

少陽下篇方法

計歌括壹條

卷四

太陰全篇方法

計歌括貳條



北京中醫藥大學圖書館版權所

卷五

少陰全篇方法

計歌括陸條

卷六

厥陰全篇方

陰陽易差後勞復病方法

計歌括伍條

計歌伍條

末附魏念庭先生跋語



北京中医药大学图书馆版权所有

傷寒真方歌括卷一

聞長樂陳念祖修園著

治南林壽萱校

太陽上篇方法

太陽爲寒水之經主一身之膚表邪之初傷必自太陽經始論云太陽爲病脈浮頭項強痛惡寒統傷寒中風而言也

傷寒詳見中篇

茲請先別中風之病論云太陽病發熱汗出惡風脈浮緩或見鼻鳴乾嘔者爲中風病主以桂枝湯服湯啜粥得熱熱微似汗則愈若服桂枝湯大汗出不解所以然者以風邪得微汗則除得大汗反不除病不去則變浮緩之脈而爲洪大仍用桂枝湯取微似汗則愈倘若不愈則病如瘧狀日再發

邪淺欲散

宜桂枝二麻黃一湯撤其餘邪則全



北京中醫藥大學圖書館版權所有

愈矣。○前症是汗後餘邪未盡，以小劑為緩汗法。此症是過經不解，不可不汗，故制此湯以急汗之。不可大汗，故制小劑以少汗之。人知大劑急汗之法，而不知小劑亦有急汗之法也。○若太陽病得之八九日，頭痛項強，雖日久而未去，熱多寒少，往來如瘧而頻發，水論云一日二三度發，是邪淺而欲衰，面上反有熱色，身癢，必得少汗而全愈。宜桂枝麻黃各半湯主之。○桂枝症而兼喘者，宜桂枝加厚朴杏仁湯主之。○若燒針針處核起，因驚而發奔豚者，宜灸其核，以桂枝加桂湯主之。○若奔豚症欲作未作，其悸只在臍下者，宜茯苓桂枝甘草大棗湯主之。○若悸在心下，叉手冒心者，因發汗過多所致，宜桂枝甘草湯主之。○若誤汗遂漏不止，惡風，小便難，四肢拘急者，宜桂枝加附



子湯主之。○若桂枝症誤下之後胸滿者是陰邪盛于陽位恐芍藥
附和陰氣宜桂枝去芍藥湯急散之。若兼惡寒者恐薑桂力微宜桂
枝去芍藥加附子湯以溫散之。○若汗後陽虛陰氣凝聚身痛者以
桂枝新加湯行其陽氣。○又有太陽傳入本腑症發熱六七日不解
煩渴飲水水入即吐小便不利者宜五苓散表裏兩解之。又有太陽
裏症而表邪具在下後心下滿小便不利者宜桂枝去桂加茯苓白
朮湯利水則表邪自化此皆太陽症虛邪之方法也。

桂枝湯

發熱自汗是傷風。桂葛生薑芍藥逢。頭痛項強浮緩脈。必須稀粥合
成功。

芍藥桂枝生薑

各三錢

炙草三錢

大棗

四枚

水煎溫服須臾啜稀粥

溫覆取微似汗。○此方最切於時用中風汗自出者用之服麻黃湯復煩者用之下後脈仍浮者用之氣沖利不止者用之陰症脈浮爲欲愈亦用之

桂草辛甘化陽助太陽融會肌。芍草苦甘養陰啟少陰奠安營血。薑佐桂枝行陽棗佐芍藥行陰。此方本不發汗藉熱粥之力充胃氣以達於肺令風邪從皮毛而解不傷氣血爲諸方之冠。

時醫以桂枝湯麻黃湯地非北方時非冬月戒不敢用以羌獨蒼芎荊防代之而不知此等藥更燥烈害人也桂枝湯以桂枝爲君色赤入心生血得芍藥之苦以和之爲陰陽調和之劑麻黃湯以

麻黃爲君比物輕清走表絕無辛烈之味悍濁之氣又佐之桂枝入心化液杏仁入肺降氣甘草安內攘外不加薑之上行棗之和中逕走肌表不傷津液觀蒼芎羌獨之類孰和平孰峻烈耶

桂枝二麻黃一湯

汗出不徹邪還襲如瘧頻來時翕翕桂枝湯二麻黃表後脈洪籍

此輯

桂枝一錢三分 芍藥生薑各一錢 炙草七分 麻黃七分 杏仁十六箇

大棗一枚 先煮麻黃去沫後入諸藥溫服○此是麻黃症只用桂枝

湯汗不徹之故故又作此湯再解其肌微解其表此又桂枝後更用

麻黃法也○按柯韻伯云麻黃湯桂枝湯兩方各煎聽用加各半湯



北京中醫藥大學圖書館版權所有

則各取其半而合服之。此湯則取桂枝湯二分麻黃湯一分合而服之。猶水陸之師各有節制。兩軍相為表裏。異道夾攻之義也。後人等其分兩合為一方。與葛根青龍輩何異。

桂枝麻黃各半湯

面熱身癢。感雖輕。小汗輕施。顧衛營。麻杏桂薑芍棗草減之。各半定方名。

桂枝 一錢二分 芍藥 生薑炙草 麻黃各八分 杏仁 七枚 大棗 二枚

先煎麻黃去沫。入諸藥煎溫服。○此方原小劑治欲退之餘邪。活人借用之以代解肌諸方。

桂枝加厚朴杏仁湯

桂枝厚朴杏仁湯諸喘皆須疎利方誤下喘成還用此去邪下氣本相當。

卽桂枝湯加厚朴

各一錢五分

杏仁

十四枚

○論云喘家作桂枝湯加厚

朴杏仁主之言本然之喘也。又云太陽症下之微喘者表未解也。此湯主之言誤下之喘也。

桂枝加附子湯

照桂枝湯加附

各一錢

桂枝加桂湯

照桂枝湯加桂

三錢

太陽誤下遂拘急湯本桂枝加附入更有核起作奔豚桂枝加桂湯

宜察

名遂漏症乃汗多脫液陽虛之候此方固陽卽所以止汗止汗卽所以救液

此桂枝加附子湯歌也。

○又加桂枝者取味重則能達下也。○此桂枝加桂湯歌也。



茯苓桂枝甘草大棗湯。

欲作奔豚。臍下悸。八錢。茯苓桂枝四。二甘四。棗水甘瀾。直伐腎邪。安內志。

茯苓八錢。桂枝四錢。甘草二錢。大棗四枚。取水揚三五百遍。名甘瀾。

水用甘瀾水三杯。先煮茯苓至二杯。入諸藥。煮七分溫服。○此方安腎以鎮水。使水不凌心。補脾以制水。使水不泛溢。

桂枝甘草湯

叉手冒心。因過汗。心下悸動。欲得按。桂枝炙草合辛甘。斂液安心。固汗漫。

桂枝四錢。炙草二錢。水煎服。○辛從甘化。陽中有陰。故能補陽以止。



汗生心液而定悸

桂枝去芍藥湯○卽桂枝湯去芍藥○誤下後胸滿是陰邪
於陽位用此湯急散之不用芍藥者恐其寒性下行領陰邪
於腹中而爲腹滿等症也○桂枝去芍藥加附子湯○卽前方
加附子一錢○惡寒爲陰氣凝聚恐薑桂力薄故加附子○按
此卽下篇桂枝附子湯方也但分兩不同主治遂別而方名亦
因以異耳

桂枝去芍因胸滿脈促令平舒上腕若稍惡寒而內弱速加附子不
容緩

按喻嘉言謂陽邪盛於陽位故胸滿脈促不知陽邪胸滿多兼喘

汗等症已有葛根黃芩黃連湯法今但云胸滿是陰氣凝聚減去
芍藥意在急散若微惡寒者又加附子以助薑桂之力其汲汲於
扶陽可見若果陽盛則桂枝不堪入咽况更加助陽之附子乎卽
云脈促爲陽不知陽盛於上則促陰盛於內逼陽於外亦促也或
問桂枝人參湯症與此何別曰風爲陽邪邪傷於外不曉解散而
數下之則病之熱邪盡陷於下焦藥之寒性反留於心下焦斯爲
協熱之利不止寒畱心下斯爲陰盛之心下痞故以理中湯理其
中氣以升陽降陰如兵法擊其中而首尾應也若此症中下二焦
無病只宣上焦之陽則撥雲見日不必多所審顧也

桂枝加芍藥生薑人參新加湯

汗餘身痛脈沉遲痛本陰凝氣不支薑芍人參三味入

桂枝湯舊化新奇

桂枝人參 各三錢

芍藥生薑 各四錢

炙草 二錢

大棗 三枚

水二升

煎八分溫服餘同桂枝湯法○沉遲陰脈也陰凝則痛藉人參以助薑桂芍之力俾通而不痛也喻嘉言謂爲餘邪未盡蓋未嘗于脈沉遲三字諦審耳

五苓散

不解而煩熱且渴滓苓桂朮猪苓未積水畱垢藉此行方曰五苓表裏奪

澤瀉 一兩 猪苓 茯苓 白朮 各十八銖

桂枝 半兩

共爲末本方重在內